

ԱՐԱՄԵՆԻՆ ԵՐԱՇԱՅՏ ԵՐԿՈՒ ԱՐՁԱՆԱԳՐՈՒԹՅՈՒՆՆԵՐ

Հայաստանում հայտնաբերված արամեերեն արձանագրությունների ոչ մեծ խումբը համալրվեց ևս երկուսով: 1971 թ. սկզբներին Դիլիջանից Իջևան տանող ճանապարհից ձախ, Բջևանի շրջանի Քեղուտ գյուղից մոտ հինգ կիլոմետր հյուսիս, «Ճեղի հողեր» հանդամասում գտնվել են «Արտաշեսյան սահմանաքարեր» անունով հայտնի երկու նոր քարակոթողներ: Դրանց վրա փորագրված արամեերեն արձանագրությունները, եթե նկատի չունենանք հատուկեկետ տառերի աննշան վնասվածքները, պահպանվել են անաղարտ վիճակում:

Մինչև հիմա արամեերեն արձանագրություններով նույնատիպ հուշարձաններ հայտնի էին Սևանի ավազանից: Հայաստանում արամեեատա առաջին արձանագրությունը հայտնաբերվել է տակավին 1906 թ. Կամոյի շրջանի Կարմիր (Ղուլալի) գյուղում (Ն. Հալալյան)¹, երկրորդը գտնվել է 1932 թ. Մարտունու շրջանի Կզնուտ (Կարանլուխ) գյուղում (Ս. Բարխուդարյան)², 1957—1964 թթ. արամեերեն արձանագրություններով կոթողներ են հայտնաբերվում Մարտունու շրջանի Սակքար, Լիճք, Վաղաշեն գյուղերում և Սիսիանի շրջանում՝ Իշխանասար լիճան ստորոտում: 1961 թ. մեր թվագրության 111 դ. սկզբի արամեերեն արձանագրություն է գտնվել Գառնիի պեղումների ժամանակ³, Քեղուտի նորահայտ կոթողների

հետ միասին այժմ արամեերեն հուշարձանների թիվը իննի է հասնում: Այդ հուշարձանները վերաբերում են Արտաշեսյան հարստության հիմնադիր Արտաշես (մ. թ. ա. 189—160) թագավորի ժամանակներին:

Արամեերեն արձանագրություններով կոթողների նշանակությանը տակավին 1941 թ. անդրադարձել է ակադ. Հովսեփ Օրբելին⁴, որի կարծիքով դրանք գյուղերի և ագարակների սահմանները որոշող սահմանաքարեր են եղել: Ակադ. Օրբելու այդ եզրակացության հիմք են հանդիսացել Մովսես Խորենացու «Պատմության» շատ կարևոր և որոշակի հետևյալ տողերը. «Յետ ամենայն առաքինութեանց և գործոց ուղղութեանց Արտաշեսի, հրամայել զսահմանս գիւղից և ագարակաց որոշել. քանզի բաղամարդացոյց զաշխարհս Հայոց. և կամուտս բազումս ածելով ազգս, և բնակեցուցանելով ի լերինս և ի հովիտս և ի դաշտս: Եւ նշանս սահմանացն հաստատեաց այսպէս. հրաման տալով քարինս կոփել շորեքկուսին, և պնակաձև փոսել զմէջսն, ծածկելով յերկրի. և շորեքկուսին ի վերայ յարուցանել ամբարտակս սակաւ ինչ բարձրագոյն յերկրէս⁵, Խորենացին հիշատակում է նաև Արտաշեսի հետևողությամբ Սասանի որդի Արտաշիրի կողմից Պարսից աշխարհում համանման կոթող-սահմանաքար կանգնեցնելու վերաբերյալ հրաման արձակելու մասին. «Ընդ որ նախանձեալ Արտաշիր որդւոյ Սասանայ՝ զնոյն նման հրամայել առնել և ի Պարսից աշխարհին և յիւր անունն անուանել, դի մի՛ ևս յիշեսցի անունն Արտաշիսի»⁶, Սահմանաքարերի հարցին Խորենացին մեկ անգամ ևս անդրադառնում է Արտաշիր Պապականի գործունեության առնչությամբ. «Նաև զսահմանս հաստատեալս յԱրտաշիսէ, զքարինս յերկրի կացուցանելով, նորոգեաց, և յիւր անունն փոխելով Արտաշիրական անուանեաց»⁷:

Ճրանսիացի պիտնական Ա. Դյուպոն-Սոմերը արամեերեն արձանագրությունների իր սխալաշատ վերծանությունից ելնելով, գտնում է, որ այս կոթողներն, իբր, առնչվում են ձկան պաշտամունքային որսի հետ⁸:

⁴ См. в книге: К. В. Тревер, Очерки по истории культуры древней Армении, М.—Л., 1953, էջ 164:

⁵ Մովսիսի Խորենացու Պատմութիւն Հայոց, Տփղիս, 1913, էջ 186:

⁶ Նույն տեղում, էջ 186:


⁷ Նույն տեղում, Բ գիրք, դ. 2է:

⁸ Տե՛ս А. Dupont-Sommet, նշվ. աշխ., էջ 62—63:




¹ Տե՛ս Ն. Հալալյան, Դամբարանների պեղումներ Խորհրդային Հայաստանում, Երեւան, 1931:

² Տե՛ս Ս. Բարխուդարյան, Երկու արամեերեն արձանագրություններ: Նյութեր հին Հայաստանի պատմության, Երևան, 1935:

³ Սևանի ավազանի, Գառնիի, Իշխանասարի արձանագրությունների հրատարակությունները, տե՛ս А. Борисов, Надписи Артаксия (Арташеса), царя Армении, ВДИ, 1946, № 2, էջ 97—107, А. Dupont-Sommet, Deux inscriptions arameennes trouvées pres du lac Sévan (Arménie), Syria, v. XXV, 1946—1948, № 1—2, И. М. Дьяконов, К. Б. Старкова, Надписи Артаксия (Арташеса), царя Армении, ВДИ, 1955, № 2, էջ 161—174, Г. А. Тиранян, Новонайденная надпись Арташеса I, царя Армении, ВДИ, 1959, № 1, А. Г. Периханян, Арамейская надпись из Гарни, «Պատմա-բանասիրական հանդես», 1964, № 3, А. Г. Периханян, Арамейская надпись из Зангезура, «Պատմա-բանասիրական հանդես», 1965, № 4:



Թեղուտի ամրոցական կոթողի լուսանկարը և գծանկարը



Բեղուտի թերի կոթողի լուսանկարը և գծանկարը

Հիշյալ արձանագրությունների ուսումնասիրությամբ և վերծանությամբ հաստատվեց ապագա. Օրբելու կարծիքը. պարզվեց, որ դրանք իրոք սահմանաքարեր են՝ կանգնեցված Արտաշես I-ի անունից, որն արձանագրություններում իրեն անվանում է. «Արտաշես որդի Զարիադրեսի Երվանդական»։ Պարզված է նաև, որ հուշարձանի այս տիպը իր ձևով սերում է ուրարտական կոթողներից, որոնք կանգնեցված են եղել քարե պատվանդանի վրա։ Թեղուտի ամբողջական քարակոթողի պատվանդանը թեև չի հայտնաբերվել, սակայն նրա վրա պահպանված պոչուկը թույլ է տալիս պատկերացում կազմելու այդօրինակ կոթողների ձևի մասին։

Թեղուտի կոթողները ձևով փոքր ինչ տարբերվում են Սևանի ավազանի համանման հուշարձաններից։ Ավազաքարերից կերտված և բոլոր կողմերից մշակված այդ կոթողները վերելում փոքր ինչ լայն են, իսկ ստորին մասում նեղացող ողորկ մակերեսով հաստ քարե սալի տեսք ունեն։ Խորանարդաձև պատվանդանի վերին մակերեսի մեջտեղում փորվել է «պնակաձև փոս»՝ քառակուսի խորություն, որին ագուցվել է պոչուկով սալը։ Ինչպես նախկինում Սևանի ափամերձ վայրերում գտնվածները, այնպես էլ Թեղուտի այս հուշարձանները, ատամնավոր են։ Վերևի մասում նրանք վերջավորվում են արքայական թագ հիշեցնող երեք ատամներով, ըստ երևույթին ընդգծելու համար թագավորի անունից և նրա հրամանով կանգնեցվելու հանգամանքը։

Թեղուտի կոթողներից ամբողջականը վերևում ունի 42 սմ, իսկ պոչուկի հիմքի մոտ՝ 23 սմ լայնություն։ Բարձրությունը, առանց պոչուկի, 66 սմ է, պոչուկով՝ 98 սմ, հաստությունը՝ 22 սմ (տե՛ս նկարները)։ Արամեներեն արձանագրությունը, որը փորագրված է կոթողի վերին լայն մասում, բաղկացած է հինգ տողից։ Երրորդ և չորրորդ տողերը շարունակվում են կոթողի կողի վրա։ Առաջին տողի վերջին բառի հինգ տառերը զետեղված են փոքր ինչ ներքև, իսկ երկու տառանիշերը դրված են վերևում։

Երկրորդ կոթողը թերի է, նրա ստորին կեսը, պոչուկի հետ միասին, չարդված է և չի գտնվել։ Պահպանված մասի չափերն են. լայնությունը՝ վերևում՝ 42 սմ, ներքևում (չարդվածքի մոտ)՝ 33 սմ, բարձրությունը՝ 44 սմ,

* Հուշարձանների պահպանության և Հայաստանի պատմության թանգարան փոխադրելու գործում ցույց տված օժանդակության համար շնորհակալություն ենք հայտնում գյուղատնտես Գ. Հակոբյանին և կենսաբան Ռ. Եղոյանին։

հաստությունը՝ 22 սմ։ Բարեբախտաբար, արձանագրությունը պահպանվել է ամբողջովին*։ Արձանագրության տառերի միջին բարձրությունը 4 սմ է, տառանիշերը գծված են շատ հստակ։ Առաջին, երրորդ և չորրորդ տողերը շարունակվում են կոթողի կողի վրա։



Թեղուտի ամբողջական կոթողը

նակվում են կոթողի կողի վրա։ Երկրորդ արձանագրության տառերը փոքր ինչ խոշոր են, խորը փորված. ակնբախ է, որ նույն գրչի ձեռքով չի գրված։

Թեղուտում հայտնաբերված այս երկու հուշարձանների արձանագրությունները արամեատառ հիշատակարանների շարքում առանձնանում են իրենց ընդարձակ ծավալով։ Եթե նախորդ արձանագրությունների տառանիշերի թիվը տատանվում է երկու-երեք տասնյակների միջև, ապա Թեղուտի կոթողների վրա փորագրված տառանիշերի թիվը հասնում է չորս հարյուրի։ Ինչպես երևում է, երկու արձանագրություններն էլ նույն բովանդակությունն ունեն, թեև նրանց միջև ինչ-որ տարբերություն-

ներ նշմարվում են: Արձանագրությունները դարձյալ փորագրված են Արտաշեսի անունից, որն իրեն անվանում է «արքա Երվանդական», սակայն նրա անունը նախորդ արձանագրությունների RTHSSY-ի՝ ձևից տարբերվում է և, հավանաբար, գրված է հունական ձևով՝ *RTKSRKSSY (Աբտաքսերսես): Արտաշես Առաջինի հոր անունն ըստ երևույթին բացակայում է: Չի բացառվում, որ կլինեն նոր անուն (թերևս անուններ), պաշտոնների անուններ (կամ տիտղոսներ). նոր բառեր, նոր իմաստներ: Այդ ամենի վերծանությունը թողնում ենք արամեերենի գիտականերին: Առայժմ կարելի է միայն ենթադրել, որ նա-



խորդներին գրեթե հռակի ընդարձակ այս արձանագրությունները կարևոր տվյալներ են պարունակում և կարող են ավելի որոշակի բացահայտել նախորդների իմաստը. յույս սփռելով դեռևս՝ չպարզված խնդիրների վրա: Ուշագրություն արժանի է նաև այն հանգամանքը, որ այս նորահայտ արձանագրությունները ընդարձակում են «Արտաշեսյան սահմանաքարերի» տարածման շրջանակները՝ Սևանա լճի հարավարևելյան ափերից և Սյունիքից բացի՝ ընդգրկելով նաև պատմական Այրարատի վարածնունդի գավառը:

Գ. ԿԱՐԱՆԱՆՅԱՆ

Մ. Թ. Ա. VI—III ԴԱՐԵՐԻ ՎԱՂ ՀԱՅԿԱԿԱՆ ԹԱՍԵՐԻ ՄԻ ԽՈՒՄԲ

Տարիների ընթացքում Արմավիրի և Գառնիի անտեմատիկ պեղումների և Հայաստանի տարբեր վայրերում պատահական հայտնարե-

նոցային, սովորական-հասարակ և նրբախեցի-բարձրորակ ներք խումբն էլ հանդես են բերում տեսակների մեծ բազմազանություն՝ մեկ կան-



քումների շնորհիվ հավաքվել է զգալի քանակությամբ հին հայկական խեցեղեն, որն ըստ կերտական նշանակության, ձևերի, մշակման և հարգարման եղանակների, կարելի է բաժանել զանազան խմբերի: Մեծ է, մանավանդ, կենցաղային խեցեղենի քանակը, որը ներկայանում է երեք հիմնական խմբերով՝ կոպիտ, դորշ խոհա-

թանի սափորներ, չրաման-տափաշշեր, ծորակավոր չրամաններ, սկահակափայ բարձր անոթներ, ուսուցիկ իրանով խոշոր կճուճներ, միջին ու փոքր շափերի կուլիկներ, զավաթ-ըմպանակներ, սկուտեղներ և, վերջապես, թասերի տարրեր տեսակներ:

Հավաքված նյութի բավարար քանակը այժմ հնարավորություն է տալիս քննության առնելու խեցեղենի այս կամ այն առանձին խումբը կամ տեսակը: Ներկա հոդվածում քըն-